

Recup DF PL B0329/13

[Louis Vestrepain]

TRIBUNAL  
CARNIBORO

DE

SENT - SUBRA

CARNABAL

Dé 1835

---

Soulouso

[1835]



[Louis Vestrepain]

TRIBUNAL  
CARNIBORO

DE  
SENTI - SUBRA


CARNABAL

Dé 1835

---

Soulouso

[1835]



Resp 19 pl 130328113

**TRIBUNAL**  
**GARNIBORO**  
**DE**  
**SENT-SUBRA:**

---

**CARNABAL**

De 1835.



**TOULOUSE,**

IMPRIMERIE DE **KOCH-CADAUX**, RUE DE LA

TRINITÉ N° 8.



# JUTJOMENT

DÉ

## DOUMINIQUE PLASTROUN.

MEMBRÉS

NOUMS

DEL TRIBUNAL.

DES JURATS.

GARGANTUAS, PRÉSIDENT.	RICHOPANSO, PRÉSIDENT.
BANDOCOUIJOS, COUNSEILLÉ.	BOUMITIF.
PÉTOFORT, COUNSEILLÉ.	GRANCAS.
FOUÉTOGATS, PROC. DEL REY.	BATTÉDOU.
GUÉNILLO, GREFFIÉ.	FANESSET.
FOUILLOPOCHOS, ABOUCAT.	ESTRÉNAT.
TIRAGOS, Uché.	GIROUETTO.
JUDAS, 1 <sup>er</sup> RÉCORS.	PERTUFAS.
PACAN, 2 <sup>emo</sup> RÉCORS.	TANPIS.
FURET, 3 <sup>emo</sup> RÉCORS.	AZÉBIEL.
GRAPIN, 4 <sup>omo</sup> RÉCORS.	PÉFANGOUS.
	DÉBOURAN.

La Sallo del Tribunal réprésento uno cousino débastado ;  
lés fournels serbissen dé Siégé as Jutgés.

# JUTJOMENT

DÉ

## Douminiquo Plastroun.

Aouey, 1<sup>er</sup> fébrié 1835, coumparés, dabant lé tribunal Carniboro, lé noummat Douminiquo Plastroun, cafétisto à St-Subra, accusat dé s'estré layssat battre per sa fenno, et d'abé coumproumés la dignitat dé l'homé à qui la forço et l'outouritat soun accourdados, l'uno per la naturo et l'aoutro per las lés:

LÉ PRÉSIDENT, A L'ACCUSAT.

Accusat, lébo-té, parlo, quin es toun noum?

L'ACCUSAT.

Moussu, porti lé dé moun payré.

UN CAFÉTISTO.

Acos pas pla sigur per qui couney ta mayré.

L'UCHÉ.

Silenco!

LÉ PRÉSIDENT, A L'ACCUSAT.

Dis-lé-mé?

L'ACCUSAT:

Douminiquo Plastroun.

LÉ PRÉSIDENT.

Toun atgé?

L'ACCUSAT.

Ey trento ans.

LE PRÉSIDENT.

Toun mestié ?

L'ACCUSAT.

Cafétiste.

Toujoun caloumniat et séguit à la pisto  
Pés counfrayrés de moun quartié ;  
O jalousio dé mestié !

LÉ. PRÉSIDENT.

Counto mé tous malhurs.

L'ACCUSAT.

Lé cel empitouyablé  
M'a dounat per mé tourmenta  
Pas uno fenno més un diablé ,  
Doun l'aspect soul mé fa trembla.  
Aprêts abé dabant l'aouta  
Countrattat ambé you l'unieun counjugalo ,  
Fourmet l'entrepréso fatalo  
Dé quitta dés maçous , lé barquet , lé mourtié ,  
Per sé mettré al cap d'un café ;  
N'aspirabo pas la sourcièro  
Qu'à l'aounou d'éstré caféùiero ,  
Et tout aco din lé but imprudent  
D'éléba , d'ennoubli soun amo ,  
Per s'entendré appella Madamo ,  
Et per gagna belcop d'argent.  
Coumo biben dins uno époquo ,

Oun tout ço qu'és noubel  
Es bel,  
Lé pa des estrangés semblo souben dé coquo.  
La guso qué per soun estat  
Lé prumié joun lés attirabo,  
Per soun caractéro empourtat  
Lé lendouma lés m'accassabo,  
Et you d'y counseilla de quitta lé café,  
Et dé répréné lé mourtié.  
Fousquet sourdo à ma boux. Per coumlé de miséro,  
Poudio pas biouré en pax ambé cap dé bési ;  
N'a pas rougit dé déclara la guerro,  
A nostro marchando de bi,  
En y pissan dins la pichèrro ;  
Et qualqué temps apey per la fa may-bisca,  
D'ana fa sous bésouns al miey del galata ;  
Un marchand juif qué sé troubabo  
Jouts lé planché per oune lé pis coulabo,  
En lé sentin dessus soun cap,  
A s'as pratiquos démandabo  
Dé quin dret on lé baptisabo,  
Sans counsulta sa boulountat.  
Oh ! qué tout aco m'enbestiabo ;  
Impoussiblé dé rappella  
Toutos las sénos tragiquos,  
Que n'ey cessat dé suppourta,  
Quand sas bapous frénétiqus  
Fasion tant qué dé l'attrapa ;  
Per ébita tant dé scandalo,  
Bous baou counta la prencipalo ;

Y a pas pla long-temps qu'uno neyt,  
Al moument qu'approuchabi d'ello,  
Per m'enfounça dédins lé leyt ;  
A la clartat d'uno candello,  
Sé lébet proumptomen , sasisquet un gabel ,  
Et tombet sans piétat sur ma paouro cerbello ,  
Coumo un bouché sur un bédel.  
Per un marit sagé et pésiblé ,  
Qué bous déclaro sas douloous ,  
Coumprénets , Moussu , qu'és péniblé  
Dé coumpareyssé dabant bous ;  
Mais hélas ! toutes mas rasous  
Poden pas attendri bostré cor inflexiblé ;  
D'abanço m'abets coundamnat  
A la péno hountouso , aoutant qué ridiculo.  
Ma fenno a coumés lé pécat,  
Et you goubarey la pillulo :  
Sur un azé , Moussu , baou être passéjat ,  
Coumo s'éri un oubjet dé mesprets , d'infamio ;  
Et s'es pas en réalitat ,  
Sera sans douté en effigio ;  
A qui lé triste sort qué m'ero réserbat !  
Ah ! cruelle Mario ,  
Aourio pla may balgut qué m'aougnessos tuat ,  
M'aourios per toujoun préserbat  
D'aquel excès d'ignouminio ,  
Et seyoy pas descrédat.  
Beyrey la populaço , abido , curiouso ,  
Canta per me puni lé réfren d'un battut ,  
Et tacha dé fa crésé à las gens dé Toulouso

Qué ma faiblesso m'a perdu.  
Ah ! mé semblo déjà bésé les caféïstos ,  
Dount ey per moun mestié méritat l'abersiou ,  
Sé banta d'abé sur dé listos  
prouboucat moun accusatiou.  
Cal per countenta lour idéyo ,  
Qué lour counfrayré , lour égal ,  
Serbisco al moundé dé riseyo ,  
Sul pilori dé Carnabal ;  
Ah ! d'y pensa mé trobi mal !!!!!  
Penden qué les récorsés tachon dé rémettre l'accusat ,  
lé Président interrogo lé prumié Témoin.  
Toun noum ?

LÉ TÉMOIN.

Bertrand Lachéro.

LÉ PRÉSIDENT.

Toun atgé ?

LÉ TÉMOIN.

Cinquanto ans , biel souldat d'Angloterro ,  
A bostré serbici , Moussu ?

LÉ PRÉSIDENT.

Quand nostré Rey (\*) chancellé aouren bésoun dé tu ,  
Per sousténi sous drets s'y fan jamay la guerro.  
Es pas parent dé l'accusat ?

LÉ TÉMOIN.

Nani , Moussu , né séyoy pla fâchat.

LÉ PRÉSIDENT.

S'ès al reng dés Témoins , un seroment les lio ;  
Sur qué mé proumettras , s'as dé philosophio ,

(\*) Carnabal.

Dé diré la bertat daban les assistans ?

LÉ TÉMOIN, EN TIRAN UN LIBRÉ DÉ SA POCHO.

Et sul libré sacrat de la Gastrounoumio ,

Qu'és l'ébangéli dés gourmans.

LÉ PRÉSIDENT, AS AOUTRÉS TÉMOINS.

Et bous aous ?

LÉS TÉMOINS, EN PAOUSAN LA MA SUL LIBRÉ.

Oui, Moussu, s'en toutis bétéran

D'aquello noblo coumpagnio.

LÉ PRÉSIDENT, AL PRUMIER TÉMOIN.

Qu'as bist ? qu'as entendut ?

LÉ TÉMOIN.

L'imprudento Mario,

Tout en dinan amb'el, lé trata dé palot,

Et lé fourça dins sa furio

Dé manga lé cap d'un piot.

« Couqui, l'hyber sé rénoubello,

S'ès pas bou qué per té calfa,

Et coumo n'as pas dé cerbello,

Lé cap d'un piot t'en dounara;

Manjo lé, misérablé, ou cren mas représaillos ;

S'as lé malhur dé lé jetta,

Té déranqui las dents ambé las estanaillos. »

Et l'accusat dé lé manja.

LÉ PRÉSIDENT.

Acos tout ?

LÉ TÉMOIN.

Oui, Moussu.

LÉ PRÉSIDENT, AL DUXIÉMO TÉMOIN.

Touin noum?

LÉ TÉMOIN.

Estienné Grappos.

LÉ PRÉSIDENT.

Touin atgé?

LÉ TÉMOIN.

Ey quaranto ans.

LÉ PRÉSIDENT.

Qué fas?

LÉ TÉMOIN.

Toundi dé nappos,

A bostré serbici, Moussu.

LÉ PRÉSIDENT, AMBÉ DÉDEN.

Té rémerci fégnan, ey pas hésoun dé tu?

Adresso té as reysés, as papos.

Es pas parent dé l'accusat?

LÉ TÉMOIN.

Nani, Moussu, né seyoy pla fâchat.

LÉ PRÉSIDENT.

Qu'as bist? qu'as entendut?

LÉ TÉMOIN.

Uno sémano entièro;

L'embéjo m'a counduit chez aquel animal,

Qualqué cop per beouré dé biéro,

Souben per légi lé journal.

La fenno a mayssant caractèrò;  
Digus né discounbendra pas;  
Ménayo soun homé à la fiéro,  
Et lé s'en tournayo pel nas.  
Dilus lé ménacet d'in fa bésé dé grisòs;  
Dimars l'accablet dé souttisos;  
Dimécres l'anguet querré al bal,  
Et dabant tout lé moundé y dounet un coufal;  
Dijaous, per lé puni d'abé fayt la grimaco,  
Lé fa fila dabant la glaço;  
Dibendrés lé forço à juna;  
Dissatté prégo Diou qué la foudro l'escrazé,  
Et dimenché, sans sé géyna;  
Lé fa passéja sur un azé,  
Per bézé sé s'y ténio pla.

LÉ PRÉSIDENT.

Acos tout?

LÉ TÉMOIN.

Oui, Moussu.

LÉ PRÉSIDENT, AL TROISIÉMO TÉMOIN:

Toun noum?

LÉ TÉMOIN.

Finou Lamano.

LÉ PRÉSIDENT.

Toun atgé?

LÉ TÉMOIN.

Bint-un ans.

LÉ PRÉSIDENT.

Toun mestié?

LÉ TÉMOIN.

Courtisano,

A bostré serbici, Moussu.

LÉ PRÉSIDENT, EN L'EMBRASSANT.

Aprés lé jutjement souparey ambé tu,

Et lé répays séra pla crano.

Ès parento dé l'accusat?

LÉ TÉMOIN.

Nani, Moussu, moun cor né séyoy pla fachat.

LÉ PRÉSIDENT.

Qu'as bist? qu'as entendut?

LÉ TÉMOIN.

Sa fenno désoulado,

Y réproucha dé l'ayma pas,

Malhurous, y disio, dé m'abé mesprésado,

Tôt ou tard té repentiras:

Sé ténioy pas à moun ménatgé

Té ménayoy coumo un maynatgé,

Layssayoy lé café sé perdré entré tas mas,

Et d'ambun Moussu qué m'adoro,

D'empey qu'a bist mous els malins,

Lé prendroy pu souben déforo

Qué tu nou lé fayos dédins.

Pensos doun, respoun l'homme, estré uno bello damo?

Mé bantés pas tous els; un capéla m'a dit

Qué caousaran un joun la perto dé toun amo;

Et you, qué n'ey pas soun esprit;  
Ajusti la dé toun marit.  
Alors un grand coumbat s'engatjo,  
L'accusat attrapo un bastou,  
Sa fenno qu'animo la ratjo,  
Saouto sul foc, pren un tistou,  
Et d'un bras plé d'assignenço  
Lé lanço sur soun agressou,  
Qué ba toumba sans couneyssenço  
Sur un gros gat qué droumissio.  
L'animal qué sé débattio,  
En lé graoupignai al bisatgé,  
Semblabo diré en soun lengatgé,  
Qu'el a soun tour sé défendio  
Et qu'entendio pas badinatgé.

LE PRÉSIDENT.

Acos tout?

LE TÉMOIN.

Oui, Moussu.

LE PRÉSIDENT, AL QUATRIÈMO TÉMOIN.

Toun noum?

LE TÉMOIN.

Ramounet Bloquos.

LE PRÉSIDENT.

Toun atgé?

LE TÉMOIN.

Quaranto ans.

LE PRÉSIDENT.

Qué fas?

LE TÉMOIN.

Bendi dé coquos,

A bostré, serbici, Moussu.

LE PRÉSIDENT.

Lé proucs terminat ourey bésoun dé tu.

L'ACCUSAT, AL TÉMOIN.

You, sé soun acquittat farey uno ribotto

Ambé Paul l'accabayré, et sa sor la débotto;

Manqués pas dé lés né pourta

Per cinq francs qu'ey dessus; té lés pagui d'abanço,

Sans exigea cap dé quittanço.

LE TÉMOIN.

Per qué sabets, Moussu, qué sabi pas sinna.

LE PRÉSIDENT, AL TÉMOIN,

Après abé coumprés lé sinné dé la Finou Lamano, Impa-  
tiento d'ana soupa ambel.

Trébo an aquello maniganço;

Es pas parent dél prébengut?

LE TÉMOIN.

Soun pas tant hounourat.

UNO BANDO D'ESTOURDITS..

Es un autré battul!

LE TÉMOIN EFFRAYAT, AL PRÉSIDENT.

Dins uno tallo circoustenço,

Moussu, proutéjats l'innouenço;

Aou bésets pla, soun expaousat ;  
Bous prégui d'impousa silenço.  
An aquel poplé écerbélat ;  
La bérítablo libertat  
Counsisto pas dins la licenço.

Lé pu grand désordre régno dins la sallo, sé disputon, s'assoumon dé touts coustats ; toutis les marits, qu'an pas boulgut crida qué lé témoin bal pas may qué l'accusat, soun insultats, huats, battus per las jouènos gens ; lés mutins escaladon la tribuno : lé Président, lés Councillés, lés Jurats et lés Témoins, tramblon per lour bido ; sabèn pas may à quin sant sé boua : anfin lé Procurur del Rey parben à forço dé crits et d'adrosso, à fa dintra dins la sallo un piquet dé souldats armats dé brochos ; an per espauletos dé pattos d'aouquo, et uno coquo per coucardo ; arribon précédats del drapéou, qu'és un pescajou. A lour aspect lé tumulté cesso, l'ordre sé restablis, et lé président, rébengut dé soun troublé, demando al Témoin ço qu'à bist ou entendut chez l'accusat.

#### LE TÉMOIN.

Ey bist l'homé d'un toum dé mestré,  
Démанда quin houro pot estré,  
Et sa fenno, en lébant l'arquet,  
Y respoundré per un gros pet.  
L'accusat, doun l'amo crédule  
Prénio soun brut pel soun dé la pendulo,  
Y cridet : mé baou répaousa  
Del temps qué tu bas travailla.

Sa fenno alors lé trato d'équipatgé ;  
Y cracho souben al bisatgé ,  
Et per y prouba sans piétat  
Qué lé cren pas et qu'és ingambo ,  
Y tiro lé capel del cap  
Per lé couffa d'un pot dé crambo.  
Plastroun las dé la suppourta  
Abio jurat dé l'astrilla ;  
S'én és acquittat à merbeillo ,  
Car la scèno a fayt tant dé brut ,  
Que j'amay n'ey bist sa paréillo.  
Sé yéri pas estat agaourioy pas crésut.  
« Lé joun dé la benjenço es à la fi bengut ;  
S'en anabo temps, scélétrato ,  
Qué toumbessos déjouts ma patto ;  
Sé qualqu'un m'abio rébélat  
Toun caractèro détestablé ,  
Jamay l'aourioy countrariat ,  
Per t'éspousa , fillo del Diablé ;  
Ah ! per fini dé m'accabla ,  
Té manquo pas ré may qué dé m'en fa pourta !!!  
Dé qué toun cor n'es pas capablé ,  
Quand s'agis d'afflija lé miou !  
Aquel trét és inébitablé ,  
Ço qué ben pas l'hiber , pot arriba l'éstiou.  
Éloëgno té salo bipèro ,  
Quitto l'oustal , ébitō ma coulèro :  
Rétourno-t'en à toun prumié mestié ,  
Bay préne lé barquet et pourta lé mourtié »  
A pas puléou parlat qu'empougno uno cadiéro

Et d'un grand cop sul cap , la rãmerso per terro ;  
Et déplourant soun tristé sort  
L'embéloppe dins uno tello ,  
Et per un générous effort ,  
Sé plaço drét al coustat d'ello ,  
Coumo uno croux dabant un mort.

LE PRÉSIDENT.

Acos tout ?

LÉ TÉMOIN.

Oui Moussu.

LE PROCURUR DEL REY.

MESSIUS,

Aquel proucée ouccasiounat per l'entestomen d'unò  
feno et la féblsso d'un marit , es soumés à bostro  
décisiou : La caféüero à pourtat uno ma témérario  
sur la persouno de son homé , et lé misérablé n'a  
fayt qué pla paou d'efforts per benja soun affroun.  
Las dépositiouns dés témoins soun irrécusablos , et  
l'accusat el-mémo a gardat sur aquel punt lé plus  
proufound silenço , doublo probó dé sa culpabilitat.

Es à bous qu'apparten lé dret dé purga la sou-  
ciétat d'un bïci , doum lé prébengut a rébélat las  
circonstenços ; et quoiqué digon parmi lé poplé ,  
qué , d'aboua sa faouto , on n'oubten lé perdou :  
aquele prouberbé , prouclamat per l'impousturo et  
accréditat per l'ignourenço n'és pas uno réglo per  
bous ; et quino oupiniou aurion dé bostris jutjo-  
ments lés caféstos dé la biló , sé leur méspresablé

counfrayré sourtissio triounphan d'aquel coumbat judiciari ! Elis, qu'an toujoun fayt probó dé poulitésso et dé boun toun en tout et per tout, soun pas mens endignats qué surprésis dé bésé un misérablé, rustré enbers tout lé moundé et bil esclabo de sa fenno ; usurpa dins Toulouso lé superbé titré dé cafétisto.

Al brut dé las scènos qué sé passabon chez el, toutos lours pratiquos lés quittabon proumptomen per éstré témoins d'un désordré, dount éro l'aoutou per sa maladesso, et la bittimo per sa lachétat ; et lé scandalo sen és tallomen répendut qué lé théâtre, las prouménados et las gleysos n'an rétentit.

Ignourats pas, Messius, qué lés cafétistos soun uno bouno partido dél poplé, et qu'éstré sourd à lour plainto, es touléra un bici justificat per tant de probos. La tranquillitat de las famillos exijo qué l'accusat subisco la péno qué mérito ; sans aquello rigou salutario, garo l'outouritat dés marits, garo la soumissiou dé las fennos, garo lé respect dés maynatgés.

Councluy doun, à ço qué lé Siur Douminiquo Plastroun sio coundannât à mouna sur l'azé dins un char, estacat al pilori del ridiculé, per estré passéjàt dins touto la bilo, lé joun dé Cendrés. Soun supplici serbira d'exemplé as marits qué séyon prou féblés, per lacha la brido à lours fennos.

L'ABOUCAT.

MESSIUS,

Destinat per ma prouffession à défendré l'innocenco oupprimado en tout temps et en tout loc , béni playdéja la caouso dé l'accusat. Dempey lé joun fatal qu'aquel malhuroux marit fourmet lé proujet dé léba soun establissomen , les cafétistos , sous counfrayrés , effrayats de soun entréprésé tachében d'oupousa uno barriéro insurmountablo entré l'établissomen et el ; aquello barriéro foudado sur l'entrigo et la caloumnio présente aouey dabant bous un aspect rédoutablé , et n'és qué pel secours dé bostré ministéri qué moun clian pot la franchi.

Moussu lé Procurur Del Rey cren pas d'ounoura dé soun estimo les cafétistos dé la bilo , qué qualifico dé gens cibilisats , d'hommés dé boun toun , et lé tout per humilia , abili et carga l'accusat , qué trato ambé lé dagné mespréts ; mais qué disi ? on s'estounara pas dés affrounts qu'y proudiguo , sé l'on sé rappello , dé quin prex les counfrayrés dé moun clian an pagat l'estimo d'aquel magistrat per lé perdré dabant les jutjés , apey l'abé caloumnia dabant lé poplé ; qué dé bouteillos dé liquous !!! qué dé pas dé sucré !!!!!

LÉ PRÉSIDENT.

Mestré FOUILLOPOCHOS , moudérats bostrés prépaous ; insultats la Cour dins la persouno del Procurur del Rey !

## L'ABOUCAT.

Et bé, Messius; dés qué m'és défendat dé diré ço qué m'és tant facilité dé prouba, répréni lé founs dé la caouso : Moussu lé Proucurur del Rey nous boudro fa entendre qué les cafétistos soun uno bouno partido del poplé et, qu'estré sourd à lour plento, és touléra un bici nuisible, sélouu el, à touto la souciétat. Parés qué lé noblé accusatou ignoro encaro ço qu'és qué lé poplé, yaou baou apprené : Lé poplé, coumo disio un célébré ouratou, és un azé qué lé pus habilé mounto à sa fantasio ; et you ajusti, qu'un capéla lé fa marcha amb'uno croux, un souldat ambé l'espaso, un éscriben ambé sa plumo, un financier ambé d'argent.

N'a pas calgut qué lé jutjement égarat d'aquel poplé per décrédita monn clian ; et acos dins un temps ouun la libertat, és prouclamado pel goubernomen, qué d'ignoblés citouyens, nou né proufiton qué per attenta as dréts dé leurs frayrés, per la rasou qué fan probo dé may dé scienco, dé proubit. ou dé bounhur dins l'exercici dé lour proufessoui. Oh ! sé lé café del prébengut éro farlabicat, coumo lé dé tant d'aoutrés.....

## LES CAFÉTISTOS

A bas l'aboucat !!!

L'UCHÉ.

Silenco doun !

## L'ABOUCAT

Un Bertrand Lachéro , un Estienné Grappos , uno Finou Lamano , aqui les témoins qu'an pescat per dépaousa countro Plastroun ! mé dispensi dé rappélla leur counduito dins la souciétat ; leurs nouns atteston ço qué soun.

### LA FINOU LAMANO.

Et lé bostré , bouleur !

## L'ABOUCAT.

(Après abé lançat un régard dédégous sur la Finou.)

Et quand seyo bertat, Messius, qué l'accusat seyo battut, y fasèts un crimé dé ço qué la naturo y a pas dounat prou dé forço as nerbis per empacha sa fenno brutalo d'y tounba dessus ? Oh ! qué dé cafétistos supporton may qué d'estré battuts ! Quantis gna dins aquesté sièclé qué supporton d'estré cournards, pourbu qué leur pot bulgo ! Et sé cércabon pla, né troubayon qualqu'un dins lé fauxbourg mémo.

### LÉS CAFÉTISTOS MARIDATS.

A bas l'Aboucat ! a la porto lé bouleur !

### LÉS GARÇOUS CAFÉTISTOS

Bibo la Finou Bibo ! la Finno !

L'Aboucat sé récoumando à Nostro - Damo dé bounos cambos.

Lés Jutjés et lés jurats sé rétiron à la sallo del counsel ;  
l'accusat és coundamnat per toutis , et lé Président , après  
abé récuillit lour opiniou unanimo , répren soun siègé ambé  
sous counseillés , et prounouço la sentenço suibanto :  
Al noum dé Carnabal , lé Rey dés ribouturs ,

Dés fégnants et dés batélurs ,  
Doun la courouno es dé salcisso ,  
Lé sceptré un pilou ,  
Et lé drapéou un pescajou ,  
Aoujéts un acté dé justico.

Lé Tribunal Carniboro dé Saint-Subra d'après  
las dépositious dés témoins , Bertrand Lachéro ,  
Estienné Grappos et Finou Lamano , déclaro l'ac-  
cusat coupablé ; et counsidérant qué las intrigues dés  
marits battuts lé podén pas présërba del sort qué  
mérito , et qué diou subi per abé suppourtat las en-  
bettibos dé sa fenno , attendut d'ailleurs qué l'homme  
s'abilis quand sé laysso fa la lé per sa coumpagno , lé  
tribunal coundamno lé Siur Douminiquo Plastroun ,  
Cafétié , à mounta sur un Azé dins un char , estecat al  
pilori del ridiculé , per estré passéjat dins touto la bilo ,  
lé joun dé Cendrés , amb'uno counouillo à la ma et un  
escritéou sur l'esquino , ambé aquellos lettros , M. B. et  
à paga en bièro , en liquous et en café , les fraysses  
dé la proucéduro.

Lé Coundamnat sé plan alors d'estré jutjat per dé Céli-  
bataris qué couneyssen pas lé mariatgé qu'en théourio.

## CANSOU

### SUR AQUEL SUTJET.

*ARRÉ: O bouyatjou ! partatjo ma tristesso.*

Quant St-Subra, dins sa réjouissenco,  
Fa courré l'azé en temps dé Carnabal,  
Gens dé Toulouso escoutats en silenco,  
D'un Cafétié l'ébénoment fatal.

A miéjo neyt per sa jouéno fémello,  
S'és layssat battré à grands cops dé gabel;  
Aourio béléou sentit lé cop mourtel,  
Sé n'abio pas saoutat dins la ruello.  
Marits battuts, examinats lé pla,  
Sul bourriquet oun l'aben fayt mouna.


Cal counbénì, qu'ambá quel cafétisto,  
Prénen aouey un excellent café;  
Aquesté jour oubuscrcira sa bi sto,  
Len dé gagna ba perdré à soun mestié;  
Més qu'y serbis dé s'escalfa la bilo,  
Es destinat à fa riré las gens,  
Lé paouré diablé, hélas! à sous despens,  
Régalo soul aquesto grando bilo.  
Marits battuts, examinats lé pla,  
Sul bourriquet oun l'aben fayt mouna.

D'aquel marit, la figuro és coumiquo ;  
Semblo sul char un souldat imprudent,  
Qué l'on conduis sur la plaço publicuo  
Per lé puni dé soun déréglement.  
Sé jupiter, doun counjuro la foudro,  
Boulio troubla nostrés pésiblés cants,  
Bé nous dio : tremblats, tremblats mayssants,  
Lé Diou del cèl ba bous réduire en poudro.  
Marits battuts, examinats nous pla,  
Lé Diou del cèl dégno pas l'escouta.

Per nous bengea dé toutes las alarmos  
Qu'ambé sa fenno a causat al faubour,  
Del ridiculé, aben sasit las armos,  
A nostré aspect qué frémisco à soun tour ;  
Es coundannat pel jury carniboro ;  
Y cal subi lé sort qu'a méritat,  
Lé tristé char oun l'aben élébat,  
N'és pas tant bèl qué lé char dé l'auroro.  
Marits battuts, examinats lé pla,  
Qu'alqu'un dé bous un jour y mountara.



D'après moi, j'ai l'air d'un homme  
 Semble au chat un soldat impudent  
 Que l'on conduit sur la place publique  
 Par le front de son dessein  
 Et jupiter, dont copain la foudre  
 Boule trouble notre possible cas  
 De tous dieux : tremblants, tremblants maxims  
 Le dieu del est la pour réduite en poudre  
 Mavis battus, examinés nous pla  
 Et non del tel deus pas l'écouter  
 Pour nous deus de toutes les armes  
 Qu'importe sa l'anne a canon al l'indour  
 Des ridicules, aben s'ait las armes  
 A notre aspect que l'écouter il s'ont pour  
 La combattant par luy s'ont pour  
 Y est s'ait le sort qui l'indour  
 Et s'ait char qui l'écouter s'ait  
 Nés pas tant del que le chat de l'indour  
 Mavis battus, examinés le pla  
 Qu'importe un de nous au jour y l'indour



Mavis battus, examinés le pla  
 Qu'importe un de nous au jour y l'indour

